

**ОРХОН АЙМАГ, “ЭРДМИН” ХХК-ИЙН
ХАМТРАН АЖИЛЛАХ ГЭРЭЭ**

2021 оны 07 сарын 02 өдөр

№ 02

Орхон аймаг

Энэхүү гэрээг нэг талаас Орхон аймгийг төлөөлж Орхон аймгийн Засаг дарга С.Батжаргал /цаашид гэрээний тал гэх/ нөгөө талаас “Эрдмин” ХХК-ийг төлөөлж Ерөнхий захирал Ж.Баатар /цаашид гэрээний тал гэх/ нар Засгийн газрын болон Орхон аймгийн Засаг даргын 2020-2024 оны үйл ажиллагааны хөтөлбөр, орон нутгийн эдийн засаг, нийгмийг хөгжүүлэх үндсэн чиглэл, “Эрдмин” ХХК-ийн хөгжлийн чиг хандлагын хүрээнд 2021-2023 онд хамтран ажиллах зорилгоор харилцан тохиролцож байгуулав.

Нэг. Нийтлэг үндэслэл

1.1.Монгол Улсын Үндсэн хууль, Засаг захиргаа, нутаг дэвсгэрийн нэгж түүний удирдлагын тухай хуулийн 5 дугаар зүйлийн 5.1 дэх заалт, Гамшгаас хамгаалах тухай хуулийн 34 дүгээр зүйл, Иргэний хуулийн 476, 480 дугаар зүйлийг үндэслэн орон нутгийн дэд бүтцийг хөгжүүлэх, ажлын байр нэмэгдүүлэх чиглэлээр иргэдийн эрх ашгийг дэмжсэн, орон нутгийн хөгжилд хувь нэмэр болохуйц, үр дүнг нь тооцох боломжтой төсөл, хөтөлбөр боловсруулж хэрэгжүүлэхтэй холбогдсон харилцааг зохицуулна.

1.2.Гэрээний талууд тэгш, шударга ёсны зарчмыг үндэслэн үр дүнтэй, ил тод, харилцан ач холбогдол бүхий хамтын ажиллагааг дэмжин хөгжүүлнэ.

1.3.Газар, түүний хэвлий, байгалийн нөөц баялаг ашиглан үйлдвэрлэл эрхэлж, олсон орлогоос орон нутгийн захиргааны байгууллагаас хэрэгжүүлж буй аливаа төсөл, хөтөлбөрт дэмжлэг үзүүлж хамтран ажиллах нь орон нутгийн хөгжилд нийгмийн хариуцлагын хүрээнд “Эрдмин” ХХК-аас оруулж буй үнэтэй хувь нэмэр гэдгийг талууд хүлээн зөвшөөрч байна.

Хоёр.Аймгийн Засаг даргын эрх, үүрэг

2.1.Энэхүү гэрээний хүрээнд аймгийн Засаг дарга дараах эрх, үүргийг хэрэгжүүлнэ.

2.1.1.Гэрээний 3.1.1-д заасан хөрөнгийг Төсвийн тухай хуулийн хүрээнд захиран зарцуулах,

2.1.2.Хууль тогтоомжоор олгогдсон бүрэн эрхийн хүрээнд үйл ажиллагаагаа тогтвортой, хэвийн явуулах нөхцөлөөр “Эрдмин” ХХК-ийг хангах,

2.1.3.“Эрдмин” ХХК-ийн байгаль орчны менежментийн төлөвлөгөөний хэрэгжилтэд хяналт тавих, байгаль орчныг хамгаалах, нөхөн сэргээх, бохирдлыг бууруулах талаар хамтран ажиллах, гэм хорыг арилгуулах талаар шаардлага тавих,

2.1.4.“Эрдмин” ХХК-ийн гаргасан хүсэлт, шаардлагыг хууль тогтоомжийн дагуу шийдвэрлэж хариу өгөх,

2.1.5.“Эрдмин” ХХК-ийн үйлдвэрлэлийн болон нийгмийн чиглэлээр явуулж буй үйл ажиллагаа, хэрэгжүүлж буй төсөл хөтөлбөрүүдэд хуулийн хүрээнд туслалцаа үзүүлэх, хэвийн, тасралтгүй явуулах нөхцөлийг бүрдүүлэхэд дэмжлэг үзүүлэх.

2.1.6. “Эрдмин” ХХК-аас аймгийн иргэдийн эрүүл мэнд, боловсрол, нийгмийн хамгаалал, бүтээн байгуулалт зэрэг арга хэмжээ, энэ чиглэлийн төсөл, хөтөлбөр хэрэгжүүлэхэд дэмжлэг болох зорилгоор олгож буй мөнгөн хөрөнгийн тайланг нийтэд мэдээлнэ.

Гурав. “Эрдмин” ХХК-ийн эрх, үүрэг

3.1. Энэхүү гэрээний хүрээнд “Эрдмин” ХХК нь дараах эрх, үүргийг хэрэгжүүлнэ.

3.1.1. Тухайн жилийн улс орны эдийн засгийн нөхцөл байдал, үйлдвэрийн газрын орлого, ашгийн төлөвлөгөөний биелэлт зэргийг харгалзан “Эрдмин” ХХК-аас орон нутагт аймгийн иргэдийн эрүүл мэнд, боловсрол, нийгмийн хамгаалал, бүтээн байгуулалтын чиглэлийн төсөл, хөтөлбөр хэрэгжүүлэхэд дэмжлэг болох зорилгоор аймгийн Засаг даргын Тамгын газраас төлөвлөсөн ажлын хүрээнд санал хүсэлтийг үндэслэн бүтээлч ажлыг компанийн хөрөнгөөр хийж гүйцэтгэнэ.

3.1.2. Төсвийн тухай хуулийн дагуу орон нутгийн төсөвт төвлөрүүлэх татвар, нийгмийн даатгалын шимтгэл, хураамжийг сар бүр төлж, жилийн эцэст тооцоо нийлэн хянан баталгаажуулах,

3.1.3. Хуулийн хүрээнд үйлдвэрийн болон нийгмийн чиглэлээр хэрэгжүүлж буй төсөл, хөтөлбөрүүдийг хэвийн, тасралтгүй явуулахад орон нутгийн иргэн, хуулийн этгээдийн зүгээс хууль бусаар саад учруулсан тохиолдолд уг асуудлыг зохих журмын дагуу Засаг даргад тавьж шийдвэрлүүлэх,

3.1.4. Гамшиг, аюултай үзэгдэл, халдварт өвчин, осол, аюулын үед тухайн орон нутагт ажиллах хүн хүч, техник, тоног төхөөрөмж, мөнгөн хөрөнгө болон бусад материаллаг туслалцаа үзүүлэх,

3.1.5. Байгаль орчныг хамгаалах, нөхөн сэргээх, бохирдлыг бууруулах талаар байгаль орчныг хамгаалах менежементийн төлөвлөгөө батлуулж хэрэгжүүлэх.

Дөрөв. Гэрээний хэрэгжилт

4.1. Энэхүү гэрээний ил тод байдлыг хангах зорилгоор орон нутгийн иргэдэд гэрээ байгуулсан талаар мэдээлэх, гэрээ, түүнтэй холбогдсон баримт бичгийг талуудын албан ёсны вэб хуудсанд ажлын 3 хоногийн дотор байршуулна.

4.2. Талууд жил бүрийн хамтын ажиллагааны төлөвлөгөөг батлах бөгөөд төлөвлөгөө нь гэрээний салшгүй хэсэг байна.

4.3. Төлөвлөгөөний биелэлтийг талуудын ажлын хэсэг гаргаж дүгнэн үр дүнг дараа оны 01 дүгээр сарын 15-ны дотор тайлагнана.

Тав. Гэрээний хариуцлага

5.1. Талууд гэрээгээр хүлээсэн үүргээ биелүүлээгүй тохиолдолд холбогдох хууль тогтоомжийн дагуу хариуцлага хүлээнэ.

5.2. Энэхүү гэрээ нь “Эрдмин” ХХК хууль тогтоомжоор хүлээсэн үүргээс татгалзах үндэслэл болохгүй.

Зургаа. Маргаан шийдвэрлэх

6.1. Талуудын аливаа санал зөрөлдөөн, маргаан гарсан тохиолдолд асуудлыг аль болох эв зүйгээр шийдвэрлэхийг эрмэлзэнэ. Тохиролцоонд хүрч чадаагүй тохиолдолд маргааныг Монгол Улсын хууль тогтоомжийн дагуу шүүхээр шийдвэрлүүлнэ.

Долоо. Гэрээ хүчин төгөлдөр болох

7.1.Талууд энэхүү гэрээнд гарын үсэг зурснаар хүчин төгөлдөр болно.

7.2.Талууд гарын үсэг зурсан өдрөөс хойш хуанлийн 3 жилийн хугацаанд гэрээ хүчин төгөлдөр байна.

7.3.Хуульд заасан үндэслэлээр гэрээг хугацаанаас нь өмнө дуусгавар болгож болно.

7.4.Талууд харилцан тохиролцсоны үндсэн дээр гэрээнд нэмэлт өөрчлөлт оруулж болно. Гэрээнд оруулсан нэмэлт, өөрчлөлт гэрээний нэгэн адил хүчинтэй байх бөгөөд түүний салшгүй нэг хэсэг болно. Талууд бичгээр үйлдэж, гарын үсэг зураагүй бол гэрээнд нэмэлт өөрчлөлт оруулахгүй бөгөөд бичгээр үйлдэж, гарын үсэг зураагүй нэмэлт өөрчлөлт хүчин төгөлдөр бус байна.


Найм. Гэрээ байгуулсан талуудын хаяг:

Орхон аймгийн Засаг Даргын Тамгын газар хаяг:
61033. Орхон аймаг, Баян-Өндөр сум, Уртбулаг баг
Амарын талбай, Нутгийн удирдлагын ордон
Найрамдал талбай
Утас:70355590, 70352621
Факс:757-73002

“Эрдмин” ХХК, хаяг:
Орхон аймаг Баян-Өндөр сум
Баянцагаан баг Эрдмин ХХК
Утас: 75772295, 75772888
Факс:75772166

ТАЛУУДЫГ ТӨЛӨӨЛЖ:

ОРХОН АЙМГИЙН ИТХ-ЫН
ДАРГА


Д.МӨНХБАТ

ОРХОН АЙМГИЙН
ЗАСАГ ДАРГА


БАТЖАРГАЛ

“ЭРДМИН” ХХК
ЕРӨНХИЙ ЗАХИРАЛ


Ж.БААТАР

ОРХОН АЙМГИЙН
ЗАСАГ ДАРГА С.БАТЖАРГАЛ

ОРХОН АЙМГИЙН ИТХ-ЫН
ДАРГА Д.МӨНХБАТ

"ЭРДМИН" ХХК-ИЙН
ЕРӨНХИЙ ЗАХИРАЛ Ж.БААТАР



ОРХОН АЙМАГ, "ЭРДМИН" ХХК-ИЙН
2021 ОНЫ ХАМТЫН АЖИЛЛАГААНЫ ТӨЛӨВЛӨГӨӨ

2021 оны дугаар сарын-ны өдөр

Орхон аймаг

№	Арга хэмжээ	Хугацаа	Хариуцах байгууллага	Хамтран хэрэгжүүлэх байгууллага	Санхүүжилт /сая.төг/	Хүрэх үр дүн
1	2	3	4	5	6	7
Байгаль орчин, экологийн чиглэлээр:						
1.	Байгаль орчныг хамгаалах менежментийн төлөвлөгөө батлуулж хэрэгжүүлэх	Жилдээ	"Эрдмин" ХХК	Аймгийн БОАЖГазар	43.0	Байгаль орчныг хамгаалах ажил төлөвлөгөөний дагуу явагдана.
Хүн амын эрүүл мэндийг хамгаалах чиглэлээр:						
2.	Бүсийн оношлогоо эмчилгээний төвд AV-2000B загварын амьсгалын аппарат 2 ширхэгийг нийлүүлэх	Жилдээ	"Эрдмин" ХХК	Аймгийн ЗДТГ, БОЭТ	49.6	Ковид-19 цар тахлыг хохирол багатай даван туулна.
Нийгмийн асуудлын чиглэлээр:						
3.	Төрийн үйлчилгээг иргэдэд цахимаар түргэн, шуурхай хүргэх ажлын хүрээнд E-Mongolia төвийн засвар хийх, хүлээлгэн өгөх	Жилдээ	"Эрдмин" ХХК	Аймгийн ЗДТГ, ТЗУХ	22.2	Иргэдэд төрийн үйлчилгээг цахимаар түргэн, шуурхай хүргэнэ.
Бизнес эрхлэгчдийг дэмжих чиглэлээр:						
4.	Орон нутгийн бизнес эрхлэгчдийг дэмжих зорилгоор орон нутгаас худалдан авалт хийх, иргэдэд мэдээлэх	Жилдээ	"Эрдмин" ХХК	Аймгийн ЗДТГ, ХОХБТХ	900.0	Орон нутгийн аж ахуйн нэгжүүдээс бараа, ажил үйлчилгээ, худалдан авалтыг нэмэгдүүлнэ.
Бусад чиглэлээр:						
Нийт дүн					1.014.8	

ОРХОН АЙМАГ
АЙМГИЙН ЗАСАГ ДАРГЫН ХОТ БАЙГУУЛАЛТ,
ДЭД БҮТЦИЙН ХӨГЖЛИЙН АСУУДАЛ ХАРИУЦСАН
ОРЛОГЧ М.ТҮМЭНЖАРГАЛ

ЗӨВШИЛЦСӨН:

"ЭРДМИН" ХХК
"ЭРДМИН" ХХК-ИЙН ХҮНИЙ НӨӨЦИЙН МЕНЕЖЕР

Т.АРИУН-ОД